

薑齋詩分體彙卷四

船山遺書七十九

衡陽王夫之選

七言絕句

絕句

癸亥

何滿子歌聲斷腸人間難挽是斜陽
桃花零落畱桃葉簸蕩春風一倍狂

其二

劍門歸路雨淋鈴
攏馬貂璫鬢已星
莫唱開元太平曲
誰憐霜艸舊時青

香櫞

濛濛香霧醞壺天昨夜秋清月正圓日上東窗熏曉夢欲
尋無跡在誰邊

遣病八首

紫萼初含紅粟胎歸飛燕子尙徘徊情知自有明春約認
取垂楊舊院來

其二

社後炎光似火紅不教衰柳更疏風藥鑪煙逼蛛絲重消
受厖眉老病翁

其三

藕花褪粉露檀心已擲秋光付短衾不識木樨花落未寒

蛩十夜四更吟

其四

擲去秋光拾不來
寒蛩莫爲老夫哀
土花蝕盡青虹劍
折戟無愁怨雀臺

其五

老夫病中亦自強
烏鳶螻蟻總黃腸
深衣何日裁能就
負罪孤臣拜烈皇

其六

從無奇字問侯芭
不遣笙歌溷絳紗
憶得去年橙柚熟
紙窗竹影說南華

其七

殘燈認得亭亭影孤枕難忘瑟瑟秋脫盡蛛絲蝶翅好五
湖風月在荒邱

其八

或傳鳳見黃州

細雨如酥宿暑微餘魂欲傍晚涼歸依稀聽得人間語五
色雲中彩鳳飛

絕句

荷蕙含香不出窩藕絲未斷也無多誰將雪色青蓮子種
向流沙萬里河

其二

十月新寒被暝遮。空天日日擬黃沙。辛勤儻忽鑿天地，只作朦朧影裏花。

其三

玄禽秋盡自須歸。蝙蝠逢晴款款飛。向夕但能餐白鳥，明年不識有烏衣。

其四

溪風作惡顫溪流。月影難圓玉半鉤。不識繁娥心事苦，分明欲映白蘋洲。

其五

昨夜欲霜霜不成。今朝欲雨雨還輕。丹楓一葉畱難住，那

惜江山太瘦生

其六

半歲青青半歲荒高田艸似下田黃埋心不死畱春色且
忍罡風十夜霜

桃花流水引

浩劫天台憶不眞飛花偶掠鬢絲銀閒拋萬點猩猩血擲
與人間喚作春

其二

桃花柳絮擺春風細逐溪流總向東何處海山春不老綠
波啄盡萬堆紅

其三

今季春事李花先遲暮桃花忒可憐紅染春江千斛水飄
零不遣浪紋圓

其四

明霞片片挂天西煙月初升碧海迷也似人間花落夜波
光紅漾綠玻瓈

其五

碧山張幕艸如油準擬畱僊公不畱鵝鵝分波魚浪暝等
閒東下白蘋洲

其六

清溪十里九重灣
荇帶牽花去復還
莫惜人間春易老
秊開落在綏山

諾皋

長沙申氏女子秊十七化爲男子

天女俄然驚子身
乾坤無據儘翻新
憑誰觸破髑髏面
盡洗妖狐粉黛春

其二

熒惑畱房心逆行四十餘日

朱火燒空海出煙
殷光還射斷雲邊
遲回不舍非無意
積雪曾冰四十秊

其三

祁陽隕石石上三字畧湮深

倉頡造書從鬼哭
繇來鬼筆怕人知
軒然一笑吾能識
岱

嶽新鐫沒字碑

讀碧雲集感賦

釣艇中流著浪驚
憑誰還聽棹歌聲
波濤元是尋常事
只誤蒼蛟斬不成

其二

我自知君君自閒
憐君猶在杳茫間
當時饒有傷心句
恨隔沅西萬疊山

其三

義興熱酒隔斷湘山冷
似霜碁酒風流略髣髴

柳綰斜陽

集有讀堵光化遺事詩

柳枝詞

丙寅

曲岸當年把柳枝和煙和雨一絲絲而今試照清池影猶是春衫映綠時

其二

含穗含茸小穀芽數枝嬌怯未藏鴉他時飛絮騰騰起吹入西隣第幾家

其三

漢陰汴水已千年追數興亡劇可憐翠瓦丹梯春色盡孤城落日半規圓

其四

河朔春遲秋早寒幾時能得軟條看江南近亦東風晚九月霜飛萬樹乾

樂府

桃李輕飛不惜香十番急奏柳青娘黃鶯厭聽繁絃促斜趁楊花過短墻

其二

一片羊

于闐刀利儘摧殘無端

破瑤臺

來不忍彈

其三

西腔搖曳接龍游生遣無愁果有愁玉管金尊人盡哭梧

桐無葉不悲秋

其五

禿袖開襟再拜膜三朝元會潑寒胡漢宮楊柳春風袖
拚與當年末泥孤

泥去聲

諸皋

蟲食牛

貪吸橫流帶雪嘶三彭閒惹不相離繇來師子身中肉
齧盡方知莫怨誰

其二

蟲食魚

只說誰藏張楚書任公媿尔釣竿疏乖龍莫倚東遊穩就

國隱表

豫且

其三 李

娥眉豆

瓜李浮

中原莫問有家無憑

國愁

鑽核圖

其四

無頭

驚霜一夕萬

枯

頭顱有亦無欲就刑天餘兩乳冷

看營血化醍醐

其五

婦人懷孕四歲方免墮地能言四日而死

橘裏商山壺裏天繇來不耐看桑田人間四日煙塵劫旱
似沈淪五百季

其六

湘鄉梓門橋風吹一人起
去地數丈行一里許乃墜

騰騰就地誰扶起
孃孃憑空且問天
此土不堪雙足踉
兒童無綫繫風鳶

其七

自益陽而東至長沙下洞庭雨雹如礮殺人無算丙寅立冬日

元氣勞勞運火球
搏成筋骨儘風流
季來苦被消磨盡
怒遣狂蛟撲殺休

爲誰

丁卯

鐙光的皪小如螢
睡眠欲交冷不扁
斜月亭亭雲似紙
爲帘青

其二

西風

色蒼煙一望昏

坊人已老

說開元

其三

青山結伴一人無
雪壓蒼山萬木枯

生新艸綠爲

誰重寫過關圖

其四

渡河當復奈公何
獨倚筇篨怨綠波
心計較麤炊餅客爲
誰教唱渭城歌

四言

雜詩乙丑

白日不居夕光已微
鳥栖于林人掩其扉
流雲西沈清霜

暗飛今我不憚云誰之恩欲言匪言中心是依幽蟲息響
肅風振帷元化遷移瞬目已非凝情定慮就適與歸

其二

上天同雲蒼霄下敷朱光易匿玄夕難徂我寢我興言據
其梧畏彼冽霜踪跡以孤今此下民莫匪我徒浮煙蒸動
喪尔靈珠我邁欲往不卽我愉相驚以異言窘心枯明星
皎月亭亭相於千秋萬歲不昧其樞亦已焉哉誰爲令圖

其三

陟彼高山言眺平野夕鳥孤飛翩然欲下徙倚旋歸三星
在戶影暗莎緹陰凝松檟泠露霑衿見聞逾寡函心誰俟